

CONCURSU LLITERARIU #LAMIOLLINGUAYE

El 21 de febreru celébrase'l Día Internacional del Idioma Maternu. Dende **Iniciativa pol Asturianu** queremos enllenar la rede de tuits positivos dedicaos a la llingua asturiana y pa ello convidámoste a participar nesti concursu nel que, usando la etiqueta #LAMIOLLINGUAYE, vas poder espresar les tos ideas sobre l'idioma, cuntar les tos esperiencias, dar razones a favor de la so sobrevivencia futura y dicir too aquello qu'alredor del asturianu que te preste.

BASES

PRIMERA. Institúise'l concursu con un total de 3 premios (primeru, segundu, terceru) dotaos caún d'ellos con un llote de llibros n'asturianu. El xuráu podrá entregar amás menciones especiales.

SEGUNDA. El tema tien de tar venceyáu alrodiu del asturianu: cuestiones llingüístiques, sociollingüístiques, reivindicatives, d'apegu, etc.

TERCERA. L'ámbitu de participación correspuende a toles variantes del dominiu llingüísticu.

CUARTA. Los trabayos han ser inéditos, orixinales y entamar o contener el hashtag #LAMIOLLINGUAYE.

QUINTA. Les composiciones pueden tar escrites en prosa o versu y tienen que tener como máximo 280 caracteres.

SESTA. La participación nel concursu entama'l 16 de febreru a les 00:00 hores y termina'l 24 de febreru a les 18:00 hores.

SÉPTIMA. Los trabayos tienen qu'espublizase en Twitter y Facebook usando'l hashtag #LAMIOLLINGUAYE.

OCTAVA. El premiu puede ser declaráu ermu.

NOVENA. La obra premiada va dase a conocer el día 25 de febreru, a les 12:00 hores, al traviés de la páxina web d'Iniciativa pol Asturianu (www.iniciativapolasturianu.org).

DÉCIMA. El xuráu tará compuestu por miembros d'Iniciativa pol Asturianu.

UNDÉCIMA. Les obres que resulten premiaes podrán ser emplegaes como imaxe de campañes de sensibilización y/o reivindicación d'Iniciativa pol Asturianu.

DUODÉCIMA. La entrega de premios va tener llugar el 27 de febreru a les 19:30 nos espacios del Conseyu de la Moceda de Xixón (Avenida de Manuel Llana, 68, baxo, Xixón 33208).